

流，與塔里木河會，東流入喀拉布朗庫爾，溢流入喀拉庫順湖，即羅布海。注賓河既流逕伊循城之北，則伊循城當在喀拉布朗庫爾之東或東南。因此東西學者多以媯羌縣屬之密遠廢墟，爲古伊循城遺址，或不誤也。（詳緒論樓蘭國都考）

簡一二 長三九糲寬九糲，厚一·五糲

龜茲王使者二缺

按此簡與上各簡同出土。下殘，可識者爲「龜茲王使者二」六字。二下尙能識一筆，以上下文觀之，疑爲人字。按龜茲之名，始見於漢書，據漢書西域傳所述：李廣利伐大宛還，責龜茲受杆彌質，以杆彌太子賴丹入京師；時武帝太初四年也。及漢宣帝時，龜茲王絳賓娶烏孫公主女。元康元年，與公主女入朝，王及夫人皆賜印綬，夫人號稱公主。自後數來朝賀。絳賓死，其子承德自謂漢外孫。成哀時，往來尤數。漢遇之亦甚親密。據此，是龜茲與漢發生關係，始於武帝時。至宣、元、成時，往來益臻親密。以此地出土有年號之木簡證明，則當宣、元、成時，此地正爲交通要道，則龜茲王遣使至漢過此，亦可能事也。又據魏略所述中路，從玉門關西出，經居盧倉從沙西井西北過龍堆到故樓蘭，詣龜茲。余已考證魏略所述之中道，正經行此處之路，（見下文釋地）由此轉西北至龜茲，是爲徑道，則龜茲王使者至漢亦必經行此處，故亭吏得備記之也。

簡一八 長二三六糲寬一〇糲厚三糲

乙巳晨時都吏葛卿從西方來出謁已歸舍日葛卿去出送已坐倉校□食時歸舍日下舖時軍候到出謁已歸舍

簡一九 長二二六糲寬九糲厚三糲

缺使者王□日東去督使者從西方來立發東去□□倉吏□黃昏時歸倉

簡二〇 長二三〇糲寬八糲厚二糲

庚戌旦出坐西傳日出時三老來坐食時歸舍